



KOTAVUSA VIRDA

KOTAVUSA VIRDA VESTASA VA TAMAVA IS ARAYEEM MU AYIKEEM

Teveaksat ke 2024

20^e otuk

Kotava, tela tamefa golerava
Va ina kosmac !!





DAMPIERRE

S W O L F S

DAMPIERRE

1. EBELTAF VANAFIZ

Dampierre 1. Ebeltaf vanafiz

Francavafa xantofa
wimbra.


**Dampierre, L'Aube
noire (1988)**

Sutesik is zovdasik is
ksevasik : **Swolfs**
Piskusik : **Glénat ~ Vécu**

Kalkotavaks :
**Dampierre, Ebeltaf
vanafiz**

Kalkotavara : **Damien
Etcheverry (2024)**


*Sanegara bad 2 otuk ke
virda. Taneaf lik koe bat
20^e otuk, azu toleaf koe
21^e otuk.*



Glénat



VENDEE,
SANEAKSAT
1792



VOL !
ME LANITIV !
ARSE !!



VA AILKERA VA PINTIK
GAN LUJDIK* I BAT DUS-
KIK KE ORETLIK !... VOL !!
KRE XONUKEDEV !!

NEIX,
NEIX,
NIK !

VA ORETLIK DENLANIL, VRUZASIK* !!
RINAF AILKERA MEKON VODAD !...
TO GERTIK AL KALIR... ISKEC
DA MALLANIV !!

* Lujdik, vruzasik : UJAGERTIK VRUZAYAS VA WIDEYTAF TADLEMWA KE GERTIKEEM,
VOLDUM LEVLIKESIK VEVAS VA VRUZARA VOX BRISTUN GAN SANELIA KE TAWADAY...

DAMPIERRE




NON !! DIMDENLANIC !! OKE VA
WIN KOTOTE NOPE RELATCERA
VA SANEGAFA VURA FU
KOSTOLÉ, ISE ZUKÉ DA ALTO
KE BATE AYIKYE ZO DIVSTAR !



NAZBANIK
KE
ORETLIK !

FORTEY-
FAMIK !

... EDE ME KURANIC DA WINAF NAZBEIK GAN TADLEMWAF
GERTIK DI ZO AILKED, PUNE DEN ORETLIK FIC !! VOXEN
ICDE KOTAWARA VA BANTAN, VA MWUCA KE DIOTEXA
VETCOYETÉ ! VA INTAFA LUYA
DIMDENLANIC, TUFICANIK !!



VA TAN EXULES
VA JINAF DOTA
DJUKAGRUPÉ... VA
TOKCOBA ANEYAL ?

... VA OGA KE
FORESTIER
WELTIKYE, I KE
ERVOTAVESIK ...



**KALIL
WIDEYIK !!**

... IN VA OKOL-
VIUNSUSIK
OLEGAR,
MBI KALIYÍ...
NUME
BATLIZ !


TAGELTAF... VA
BATCOBA AL GILDÉ...
RADIMELANIL, KOT-
TODE VA IN GOWÍ.





... ME GRUPÉ LIZ RINAF GELUKACA FID VOXEN
DISUKEXA SURE WIYINA VA TAVERA PU RIN
GOZANUDAR ! VA TSUNERA VA SAVSUTERA
KE SOKASANE ME DOSTÉ NUME VA VURA
LASUDUNÚ, KOTKANE !



VA
BATCOBA
SU WÍ.







DAMPIERRE











AE... LARDE KARAKEL... IN VOL ALBAR DA BETTAN GRUPER DA IN KAKE TUVEL TEREKTAR VIELE TANEAGADESIK AUZUR !



AE, ACUM, VA TANOYA PIRDA, YAYE !... ILE SKUJERAMA KE BATA MONA ILEON ZAVZAGIL !!... ASKIL VA COBA ERUNA NUMEN KOTCOBA DILIZECKETER !... OSTIK... VA OKOLXO VEYELDEON ISKETEL...



... NAZBEIKYA DIV WIDEGA VA ARSAY GOVODANEYAR. TO ILON ISEN ANT ME DJUKALAKIR... VA INA DOSITATAL.



RE, VA MIEL-CEKANY PU RIN GALPÉ, YAYE... ISEN BATVIELU VA ARGE LASUTATCEL !!


... ANT, INA ME DJUKAKOYAR !... EN TO KATECTA !




TOKTAN GRUPER ? ROTIR VA TAVERA KE FELIİK TERE SEOTATA !... TCE, VA « ORAL-APKIRIK » GOKATRASI. INAFA POMARA TITIR TCIAMAFÁ !



... INDE KALÍ, TREMKIK WELTIKYE !... GAN TANEAGADESIK VA LANA KIBLARA MEA MBI ISKER... EDE ME VRUTATAR, PUNE VA KOSTOLERA ARPUMATAR... IK DACE BASTAKARA !...







TA TO BATCOBA VA SAVSYE GIN WIL...
CWE VA POMARARA
CO OLEGAL !... TETCE,
PU CIN KALIL : GAN
TOKCOBA ZO ARGEL,
ARNUTYE ?...

XUM... VA POMARA
OLEGÁ, ENWE... VOXE
ME INDE RO-
TRAKUC !

KALIL,
WORI !!

ELDEON VA NAZBEIKYA KE
TILIK DIV WIDEGA GONO-
DOSITÁ, ANEYATASON VA
KONAK DOLEKS... INYA TIR
LISTAFA DUM AFIZ VOXE
VA JIN MEINDE KRAFIAR !...
CO DJUMÉ DA DEBALA DI
ZO BETAR NUMEN ROTIR
VA JIN CO ROPOMAC !...



TOK-
COBA ?
DJUMEL DA
KEV INYA
VA RINYONA
DUGA DI
MILMUV !...
GOKE LAN-
OTE CO
DIL !



ISKEL DA TENÚ... OXAM GAVEON
ARTI KIELCEK OK DACE BAK
SIELCEK... CO KURANÍ DA
ABDURUNE WIDA POKE
GAMDAPA VA CIN
KETED... TO BUMAXO
RIETAVAFO MU BAROY
FACILIK DJUNABES
VA TOLOY VOLXEYIK !

WÍ... EX, EX !
ME BONAFÁ,
ARNUTYE, ME
AKOYDAFA...
RENA VA
RINAFÁ
GESTA AL
BOTCER !

... VA JIN YANDEMETEC
AZEN VA WIN OTCESITÍ...
POON TEGIC !! FISTE
WELTAMIKYA ZO WOETER !



ARTLAKIT !...

... WITIL, SIN TID ABIDAPAS KORIK...
GADIKYE VA SIN TARKAR NUMEN
SIN TID MUNTAF.



OOOX !

... KOLANIC, KOLANIC !... AABRE TIR EGA-
YANE... EDJE ESTUTUC, PUNE VA EVELT
MU RINAFE GADIKYE WELTIKYE
VOLMIV VAJÁ !

VA
HONORINE
GREWÁ !

GRUPEL, ARIANE WELTAMIKYA, WARE
REGAZDON PU INT KALIYIV DA TIV
FALAKIRAF KIREN FORESTIER
WELTKYE TIR CINAF
PILKOTIK !... VA ABIC-
COBA GILIMAXUR, VA
CIN VANGRUPER ISE
RUBAR KOTVIELE
AKOLEV !...

TETCE, TO
PREKSABA !...
TOKDUME
VA BATCOBA
KALIL ?...

GRUPET DA IN VA TAWAY AL
KALUSTER ENIDE GUNTKIRON
ROKOBAY... IRUBASIKEEM KE
ADLUTAXO GRUPECKER... NUMEN
DACE LANTAN VA CINAF RUNDAL
DJUMAPAD !

... DATAN KOBAS MU STROKIK, KOBAS MU
GOMILIK DIMNARIYIS VA TAWAY
DUBIEYEN BAS TREMKIK IK UJA... I DATAN
RUPTES VAS FALTIK, ARSE VOL TID
VALEAF GU BALI !



ABDION MU TREMKIK KUNCAYAD,
DUM KOT CIN ISEN BATCOBA TIYIR
NIVAF... VOXEN MALI BARDA, MU
WARZAF FELISIK ANTON TIS
TUKULANIK IK MILAPTIK !...



... I GLASTIK VOL GRUPES VA
MIDURA IS TIS KE CHOLET OK
ARYONA WIDAVA NEK TICUON
DISUKES VA CIN !... DON SAVSAP
GEDISIK KE TREMKIK, FERRIER
DEGRIK VANPIYIS SOKASANE-
FAMIK IS DIGIS VA YONI
TAWAYKI, ISEN NUVE TIR
TEL SAVES LOROTIK !



TAWADAY FU BUZEGAR, WELTA-
MIKYA !... NUMEN BATCOBA
JONTIKEKE VINUSTATAR !...
XONUKESIRA VA MARTINEAU
KABDUE UJA TIR LANA SLIKABA
ZEXA !... ME ROVEPOAD DA CINAF
PINTIK GAN GERTIK KE SOKASA-
NEFAMIKEEM ZO GONAILKED !...
AILKERA SOTIR BAERDABA !...
LANTEL KALID DA BOREON
XONUKA FU SIZUNTAR !



ARSE !... JONTIKEDJE AL
LEVGAV VOXEN RE, EDE
KONTEL CO KALIR : ~ GER-
MAIN, VA IRIGA MIMAL
ISE VA ZELT NARIL !! ~
BATTODE CO PAKÉ !...

UNDECKEC,
SOE !!



... GADIKYE
KALIR DA
PATECTA CO
ME KAMADA-
WETER !...
FALTIKABA
ERVOLIA TIR
GIJAROTI-
RSAFA !

... PIKSA VA
NAMULOL GU
IDATCOL
SOKAR-
TAZUKAR !...
VA BATCOBA
ME KAREIZUV
KIRE CO DJUKA-
PULVIDAV !...
RINAFE GADIKYE
TIR NUEDIK
DURE VANGRUPES
VA CIN !

... VOXE FURE, VA LANA
NEYA GONARAYAR !... VA
BATCOBA PU IN KALIC-
KIL !... VOXEN RE MAL-
LAKIC !... AFIZ TUTRE-
LAWER ISEN IDATCOL
GIRE SU ZO WID,
POKEON !



BATCOBA
TIR ABDI-
KERELEPESA !

BAIX...
SWAVA
TUAULA-
WETED !

DAMPIERRE





KADIMION...

ME DWIL, WELTAMIKYA, DO JIN VA MECOBA ARPUMAL !... OSTIK, BATA GOZARA DO RIN BA ILFİZ TIR MEMPEPESA, VAXE JINAF VA LOSPERA VA RIN !

... VODE VA INT STIVAL LODAME VA ARYONA CPARA DUM TELYONA VEYARINTON PU JIN ZANOLUL !





... ICDE KONA KAKEVERA, FUWAN ZO AKOYEL, LISTYA... EDEEN ORALAPKIRIK MOE KAKEVETCAXO EN DI TIGIR ...




DAMPIERRE





DAMPIERRE







ME KIVAL... NAZBEIKYA FELILER
INDE BAKAKS ZO GOTCATER...
LANÉ DA IN WALE KIEWAF
NUBEEM TIGIR... SELAROPIK,
VA RIN SIELKIAVÁ...

GRUPEL DA KONAKVIELE
VA BELLEMORT TICE-
BIPTIK DENLAKIYÍ ISE
VA KONAKA KATANARA
TCOKEYÉ. VALEY TICE-
BIPTIK, TREMKIK IS
BALEMOY ARTEL
PAKEYED, I BALEMOY
ZARDAF GAZEVIK... VA
TADLERA VA ERVOLIA
KEV SOKASANE ABDU-
MIMAYAD, POMANON
GAN KONAKA DIVEFA
GIJAROTIACA...

BELLEMORT TIYIR
STASIK... BRESSAC DACIK
IS EISSON BIPTIK ISU
MERIGNAN IS LA-ROCHE-
SAINT-DIDER TICE-
BIPTIK DERE TIGIYID...
OSTIK BANTAN WETI
BAROY AKSAT
KOE NANTES
ZO BAS-
TAKAYAR.

TIRE !...
NOPE
YOVARA VA
URBERA ZO
LANZAYAR !



VA YOLT,
VAY, VA
YOLT !?



ACUM RINAFI KIBLARA RE AL
ZO NARIR ? TCE KERA KALI
ELDEVIEL TA GORARA TIR
MEFAVLAF !... RINAFI NAZ-
BEIKYA VA TREMKIK AL PIL-
KOMODAR ISEN BANTANYE
KATRASIYINE MOE KELDA
TIR TAN INAF SAGAF
ZANISIK... TIRE BATCOBA
TIYIR YOVARA VA
KIGDERA !

AE KIEWAXE...
VA KONA STIVASA
LAZAVA MEA RE DIKÍ !



... FOLÍ DA IN VA
ARAK IKADODEYER...
VRINARA VA ANT
IN ISU KLIBURA
DUN EVODAYAD...
KOTTODE BAT
WELTIK AL ERUYUD
DA VA SINAF TUM
DI PAKEYÉ VOXE
NOPE SOLPAKESA
TRAKULA VEWAYÁ...

... SIN VA JINAFI
VEWARA KEVNALEYED
KIREN VA BELIKAFI
TIXOLUCA AL WALTÉ
NUME VRUZAYÁ, NEKE
RE ILVOGÁ !

... MANA
WALTERA IKA
MUSUCA KE SOKA
VAS MECOBA
VODAR !... VA GONI
KE WIDEYIK
ANTON ASKIL !

VIELU VA BAT GOMIL-
ASIK AL DAPNARIT,
PUNE TOLKALITISON PU
ERKEY, VA RIN TAGATÁ...
VA FORESTIER SIEL-
KIAVÁ... ISEN VA
NENDANIK ROPECKEL !!

NUTIL
GUYAPAF,
GADYE... KAS
KIRE VA
AMLITAS
DILIUK AL
JOAL ?

VOLGUE... TO LOROTAPAFI !...
BIFATUM VA JINAFI KURA-
NIRA KAIKFIR... TREMKIK NOPE
INTAFI TEGIRA VEBAR DA VA
BAT MALYEROT GOVEGUALTÉ
KORE IN TIR VOLGINDERSES
IS MULARSAF !... MEA RO-
KIBLANYÁ, PINYA... ISEN
BATCOBA TIR PIZAFI !



TERE, TIL
VAWELAF ISEN
BATCOBA EN TIR
LOZOLONAFI
COBA... BATE
YIKYE FU ZO
GOGABLER !

TA BATCOBA
DERE, KIVÁ DA
KONEKE MEA
ROKIBLATI !





... TREMKIK IS
DOFUGIKEEM AL
GRIAWIYID AZE,
NEKEV SUGARA KE
TANEAGADESIK TA
GRUSTARA VA
KAANEYARA, WAN
TIYID MEROTRASIN...




SAFTATUM
DILIZEYED AZEN
FRASKEWERA VION
ARTFIYIR...



SANTANEAKSAT...




UGAL BETAWER... GROPA KE
AYIKEEM DERE ZO LASUBETAR...
JINAFE GADIKYE TIYIR OKOL-
VIUNSUSIK ISEN REMI JON-
TIKA TANDA GILDEYÉ DA
KALIYIR DA KOTTAN KOE
INTAFA RUNDA GOVEKER...
VEYVEYON TIYIV KWIK...




DO NAZBEIKYA
KE FELISIK AUN
AL GRURABELIR...
GRUPECKÉ DA BATUGALE
KONTAN ROVOVANPIR
KOREDİK KORE ME TIR
VEY YASANYA... ABIC
GRUPEKS IS PO LEV-
AYKASO VA VOLOSPERA
ROSTAPED !

VOXEN
SUMON
WICKIL !...
PU JIN
KALIL ?...


DAMPIERRE








» KAS ZELARA VA SIN ME CO TIR
GOMILASA ? GU BATI WARZAFI
KIEWATI SINON KOSMANI BAK
BATYON ABIC BARTIV KE BRUTAFI
DILI. KALUCA BAK PAK DACE
BETAF KE SINAF JOTUGAL...
TIRE TOKTAN GRUPER VA COBA
STEKEFA TANDA GU COPUCA IS
MEJERA PU SIN BALIKED ?

* OLUKAFKA KEVARTOWASA VLEPERA VANBLIYISA KOE BREIZA BAK 1792.





BUALAVA





CHAMPAKOU



Champakou

Francavafa / Espanavafa
xantofa wimbira.

Champakou (1979)

Sutesik is zovdasik :

Jeronaton

Piskusik : **Métal Hurlant**

Kalkotavaks :

Champakou / Tcampaku

Kalkotavara : **Damien**

Etcheverry (2024)

Sanegara bad 4 otuk ke
virda. Toza koe bat 20^e
otuk, wana koe baroy
diref otuk.

CHAMPAKU



BATA IZVA KONLIZE VAGEE MEXIKA LEKEON TOZUWER. KOE EUROPA TITFIRA KE ROMAF GAZUGAL TENUWER AZEN MIALUKUGAL IKARUNDAR.

...KELT SOTIR KUM SAN-BAROYA MOAYKAYANA BADA. KOTA TIR SOKEKO KE LANYON LORIK. BAK ALUBEAFAMAVA RE TIGIT. BALEMOY DAREF REDUKS TIZON TENUWEYED...



...TOLOY DAREF REDUKS ZO TUMEKAYAD. BANA GAN TCULKAKA DIVLANKERA AZ BATA GAN ZEXA-MUVACEK. BALEMOY MOBLIYIS LORIK KAIKI BIFA. I BAKAS BERIKYE BENE KOTA ALAVA KE ZIDA. VA GISKIRA VA KELT VAJULED...



...VOXEN TCAMPAKU RIN RADIMIFIS VA JIN DENE FLI, RIN TITIS TCIA-MAFA JWA DEM GRUPERA, RIN GOTAVETES PU SARDIKEEM KE SAYATAL, EN KURANI DA LOEKE DI GRUPEL...




...WIL, TCAMPAKU, VA LANGOBA PU
MILGUGIK GOGOLETEL, VOXE VA
ARCOBA GOSTIVATAL, AYIK ME TID
GADIAF GU GILDERA VA KOTCOBA,
VOXEN VA VAYARA RE ARTFIL LAN-
EKE VA KONAKA BIRGA PU RIN
GOVERAZDÁ.



EDEEN FISTE, FELIIK, VA
INTAFA PULVA ISU EWA
GRUFELILÉ.



BATCOBA TITIRADRAFA, NIKYE, KIREN PU
BETTAN CO PULVIL, PUNE GRUPEL DA
HUNABKU REDUSIK VA KOTCOBA,
VA RIN GU MANA LEVCOERA VA
SAGAF ZANISIK BOKSON
CO ESTETER...



CIN KOCOPIK VA GRUPERA WETCE TENAF MUKOT VOLS
MERGIL FELITIS VA BALI ME ANEYAV, KOE KELT, LORIKEEM
VA LANA VURA SOMALASKIR, TODE BATA VURA ZO GRUPER,
PUNE GRUPESON VA MINAFA TURESTARA, GAN LORIKAFI
ROTI VA DIREKEUGAL ROTABDIKALIV NUME
GOTUV VIELE GOWETAT ISE MU TEL
LORIK GONASKIT.



TO BATLIZ DJUFÍ: LAN WIN BITEJ SOTIR LORIKYE
OK LORIKYA, VOXEN ME KOTOTE, VOLDUM PU RIN
BATVIELI AL TAVÉ, ENWE LANBATA AFIFA UTA
VAS MUNESTIKOPO KE TAWAVA VEKTAD...
DEM AAL DUM IM, IS AYIK DUM COM...



TOKCOBA? BANLIZE
KDELUMISHUCA? ARA
TAMAVADUMMINAFA
COTID? TOKTANVA
BATCOBA ALKALIR?

VA RINAF
MEFOLIRA
ZINULAYÁ. NEKEN
GRUPEL DA TO
AGELTUCA. JINAF
GIVASIK BANLIZU
MALLAPIYIR.



TO WAVDACA GOBELINA TIR... KAS KONTAN VA
RIN ME KOCOEYER, FELIIKYE?



EBLEL DA VA JIN ME TARKAL!
MANA ESKARNUCA! KAS VA KONA
ROLACA LANVIELE AL TAVÉ? KAS
KONVIELE ROTUXAYÁ? PU TOKTEL
VA AZEKOT KE GRUPERA GODEATÁ
EDE FOLIL DA NOPE KLAA CO TÍ
VOLPESTORAF?

IXEL, FELIIK!! BATCOBA TIR EN AMIDAF GU KOTA RINAF TAVERA
BATVIELI! VOXEN VA BAT ARLIZUF TISIK PU JIN PULVIL?
I VA BAT LORIK PULVIYIS PU RIN...


ME! WICKÍ DA MEN TIL GADIAF.
TIL JOTARSAF ISEN BATCÉ DA
IXAM AL KALIRSI. KAIKION...
ROTIR... VA TOKCOBA SURE
PULVIYIT? AX, GUE! VA
BALEMOYE BAKAB
BERIKYE GISKISE
VA TAMAVA...





KIEWAPON ! GIRE SU WAT.
VA TCAMPAKU TAXÁ !

FUROTABRAGODA !
VA ULIDA PU CIN ZILIL !!
CINAF YOY TID RODAF
DUM YE !



TANEON PU GRADILYE KE
VIEL ! PU TEL JUPAS VA
WARE KE STABA KE KIIZ,
I KE JINAF STABA !



INYA LISTAFA? FUROTABRAGODA ! KAS VA INAFA
ANAMKAF BRUCKA WIL ?



JIN, VA NAZBEIKYA KE KAZUMEL
ABDURENÄ. INYA LOKLAafa.

NUVE FUROTABRAGODA PU TCEKTUMAL NAZBEIKYE KE MAKOM TIS
OKILIK KE BOWESIKAF SUESIKEEM AL ZO ABDIZILIR.

KOTTODE INA SOMETIR MU TCAMPAKU
LARDE KOCOPAF DIEPILESIK DUM
CILAM GONOKAELUD.



KLE TCAPUN ! VA TOKCOBA ICDE
CILAM RIN TRAKUL ?

VA BAT GUAZIK ? TO PU
JIN ERUL ? KAS LOON
ME ROPULVIL LARDE
VA RIN GRUPERSEL ?



GRUPÉ DATIL TAN
INAF RAVESIK. KAS IXAM AL
GILDEL DA IN VA ATEDACA
KALIYIR ? ME TOLKALIL
VOXE KAS TRASIL DA
TIR PREKSIK ?

VA TOKCOBA ICDE CILAM RONJON TRAKÚ ?...
XUM... CWE INAF KLAAPA VA DIKIRA VA
GRUPERAPA JUPAYAR, VOXEN IN NOPE KLAA
VA SWAVAKI SOYE AL DRASUR.

SEDME JIN, IN TIYIR PREKSIK
KALI ARINTAVIEL... VOX ULEON...





GADYE ! RIN VA CILAM
AL GRUPEL VIELE IN TIYIR
MILGACKAF, KAS FOLIL DA
VA FRE WAN DICKIR ?

TO RINAFI TARKUCA TOVE BATAKAF USUK KE DIEPILESIK
KE SAYATAL TIR ? KAS TO ASK RAVEYEN
GAN JIN TID, NAZBEYE ? KAS TO LINU-
LARA KE KON ALMEHENOOS OLUIK,
I KE OLUIK DACE WAWAF DUM MIN ?



TIRE SOYE BATE GUAZYE ADRE TUODAYAWER. TO NIVACA
BA MANA KLAA. INE TIR ICLE BARSANDAFE ! VA INE
BERDE GOVODIKARUNDAL, TOAMPAKU !

VA MANCOBA ME KALIL, YERU-
MANYA !! CILAM TIR AYIK DEM
GRUPERAPA ISEN RAVERA KE
NAZBEYE VOL TIR TENUYUNA...





VA COBA RINON KALINA
BAK ESTURA GIN TRAKÚ,
TCAMPAKU... ISE GRUYÉ, CILAM
ENWE AL ASKARUR... VOXE
IXAM VALEVION...

AX ! EN !



GUE EN... IN TIYIR TIKIPIS
VA PROSTEEEM IS
UNDEPES. CWE ZO
BOMPAYAR... WETI IXAM
TOLOYA SANDA... NUME
RE LANINDE TIR
KLOECKES...

LANUGALE FOLIYÍ DA IN GAN KONA ZOLKA KE AALA
ZO DIGIYIR. LANMIELON JEBE KOE KELT DUYUR.
ABICTAN WIYID VOXEN JIN EN, ISEN TCILAM DERE
WIYIR. AL KEYAKSEV. LOEKE DJUGRUPEYER
NUMAZE KOE AALA TOZ ANEYAYAR.
LANVIELON KADAYASON
DIMLANIYIR.



IN NUTIR GUYAPAF...

TO DYE BATCOBA ! IN LITESIR DA VA
KONCOBA DUN ZINULAR, MALI TIYIR
BAR-SAN-ALUBDAF...! JIN TIYÍ TOL-
SANDAF. OX GRUPECKEYÉ, KIEWON
LOON DAM RINAF GADIKEEM.
GILDUNYUYUV ISEN BELCON
GIPULVIYIV.



SEDMERIN,
TOKCOBA
SOKIYIR ?

KAS KON LORIK OKU ZOLKA
KABDU IN CO AWIYIR ? MANCOBA
CO TIR NIVAFÄ. IN TIR KOROBİK.



OX ! ME LUT !! GILAM ME TIR
AXAUKAN GERTAPIK KE TIKAL
TROSKADA ! SAYATAL ANTON
TIR WIDAM.

KAIKION, IN MEA PU JIN VAON DJUPULVIYIR.
TCAMPAKU, KAS PU RIN CO AL PULVIYIR ?




TCAMPAKU ! TOKLIZ LANIL ? VA
KOBARA ME AL TENUL !





PARÄ, VEYGADYA ! TORI
OXAM GEMELTAM.

OX ! VOLGUE,
VEYGADYA ! VA AFLAMA
NEMON ! XUM !...
GOMALLANI !
FURE DIMON !




















DO RIN DJUKULANI... BURETESON VA VAJ POMATÁ... VA EYELT DEAL !! ISE
VIELE VA JIN DIRETOMON DJUFIA TEL, PUNE REMLANISON VA AALA,
LASUTITIL LOON TIXOLAF, MALE TOL-DECEMOYA BORA ZO ROWIYIL...
DJAY LANIT !! EDEME GUAZYE FU GRIAWIR.






Mielon, smurfikeem tir faltackaf.





Kobara sotir galera : mekobara sotir videra.





MARSUPILAMI




NEKEN BA MIEL, STUZO
IS NEGOVA IS PERAK IS ZVERI
IS TUKRUNOL VA AULAF
TILDERA ROVOKAROLAD,
KIREN KOE AMLIT KE WUKA,
ANT...

IPTOKA KE
MARSUPILAMI
ZO GILDER !

Marsupilami
Francavafa xantofa wimbura.
Marsupilami (1952), Histoires courtes

Zovdasik : **Jose Luis Munu**
Ksevasik : **Sedyas**
Piskusik : **Dupuis**





TUWAVA, TRABE INT,
SOYE TIR GOVITAF.

ICDE LOPINAF
NEXA IK LODESAF
LONADUNOL, KOTA
KATCA GU ARAK
SOTIKIR.



ADIM, BATCOBA
SUGDALAR DA
VA SINT GIBEDESTUT !




MOE SID LIDAM KOE LAVA
LIDAM KOE RID, BETA TAMBA
KE WUKA TID DEM SIUDAS
SULEM... KOTLIZE KOT BLISIK
BOLON ONKAR OKE ZO
ONKAR NUME VA INT
DUN BAKEPER.

BANLIZE
VERTUMA TIR
UTIFA, ENWE.











Aboyaf kitsend sotir opelackaf, dum kota oluaca. Voxen mecoba tir dem welima liote dam kitsend ke yavikeem. Inafa volpestorafa kaikporuca kare klaa taneon sorigavawer. Gidukara ke guazafa dacikya va kone jotafe sersikye cugeke co lemister. Va bogera ke zomxadolesik wis va palik waljoas va dalintafa yastaca do Marthe, iku vayniasik rodiepilet. Sin nope batyona prilara va ine kunon co skaled.

Pilkotik va tolsantoldafe nazbeikye dikir. Ine ta udorcek artlapir. Marthe ta yelada ganer.

Sielon, va pudavinustara gildev : ine va wira va lizukedusikya mbi pour. Larde gadye va kona jinafa tegira sometatcer, pune kalvegera ke bat ixakik va jin akoydapar.

Direvielon, edje va matela remlaniv, ine vurpar. Batcoba ape tir pursara. Ine argeckene takaskarar enide me di gokiavar.

Bata delivara va Marthe puidad ; ine gruckafe is umeke renase sonker da kaluca koe torigira ke vegungikeem sometigir, neke tir dum ezlopik grupes da ageltucafa ezlopa sotir « rotapsaks », nek nekevon dile mejes da va vligus vek me seotar.

Dotapirdotik va jinyona stuva dun yordad. Marin W^{ye}, irubase valeve kraba ke Marthe, i guazik dem lukoptaf lukast is olukafo ontinalto, tir savsaf dotapirdotik ke J-. Buluyuse abdi geja, va guga djukazanir, viele katecta pokeon djuprotir. Anton volvanovason va dotafa gaderopa, do kurenik blir ise kabdi warzafa ilana va grupenik anton giworar ike zo worar.

Mali konak viel, ferdara valeve cin dilizer, i pofa ferdara, ison male cinafa mawa beta lorara ke sidot zo sogilder. Blotdafusik artlanid. Kwikya, pomana gan tela ke pilkotik, koe matela va dilgavaxa erniger, ise va rifeks gu lutafa afita deswar. Gan vayniasik zo givav da kapa dene Marin zo egar, bulon yontanon. Marin W^{ya} va dotagadesik al ganer ise al voser enide in va vrod vas anyustoy inoc kaxaar. Kas va iara va vayna pu doltik dere fu korictar ?

Kaiki dozilira va novexa, ba vielack (lan teveaviel), mon san-aluboy strabik do intaf kurenik ba bartivack awid, i do kurenik kot tis redusik va kon seltom ta gadikyafa vanvrodara ik grelera va bakanik, wetce gadesik ik bewik. Pilkotikya ke bata mona, ta « tuurmara », kabdue tuvel emuder. Va bulafa jekura al impavantar nume va kapa gu baera al artazukar. Kota battanya va skapara tujded ise va fomeks al gandud. Acum, sinafa zijnaca tid regeltiskafa lupa ik berdavakirafa vaynaxa ikz-. Kota warzafa artlanisikya pu Marin W^{ya} kalir : « Ox ! Batcoba nutir fransafa, neke cwe titir kiewafa. »

Marin W^{ye} va bata kapa luxeon impavatar enide va « gaderopafa dimfira » egar.

Neken, to Marthe is jin tiv akoyera. Sodafo voltixolaca ke tane pusye koe impadimak, i ke nazbeik ke tan bat strabik, va jin al givar. Va jinafa akoydara malyedal viele al ravé da deasera ke Marin titir da sin valeve cinafa mawa moni kieltena tigitid enide va cinyona santara onseted.

Ape va mancoba gikarolad nume va intafa puvegura djusanegatad. Efe ae, Marin weltikeem, i korobutik, va bata nuyukuca gu lidopaca dirbutur. Va intafa exukera do kot korikany ke dota djuwalzilitir.

Ganenik moe xo tigid. Marin W^{ya} gruper da dene Marthe tigi nume valeve inafa mawa va azega al tiendur. Bralder. Va runza ke atoesik co djugir enide va disukexa co rodakter. Golde voltixolaca ke jinafe pusye relmese ta coera va dilintafa yasa is nope gotuskuca ke klaa, amlitav. Va danda ke baera pu Marthe me al rovekalí. Va solponana gexata ke Marin W^{ya} trakú, is va iteem bene veel ke bartivela, is va bralda ke emudenikeem. Tere, kadimi pere bartiv, aborkafa tolonga bulud, ise va Marin yasik gu restesik pudomason askiped, is va kimtafe Marin W^{ye} gu bitonikaj. Bat diref pirdotik va ribiega is sega dun abdiplekur voxe dace abdi libura va beta tegira ixi al bulfer. Icde Marin W^{ya}, bana weltikya al tadled da kapa tir impavantas mergil ta muon seotara va eftol. Dotagadesik, ton korobutik, anton abicwexon al awir ; bata abica wexa is vrod vas anyustoy inoc va tintera al askid, da va nazbeikya ke Marin co skedegar, i va tavesik dene bema. Lekefa kurera ke Marin weltikyama gu opelaf dotardialik al bilitar kire al nutir bagaliansafa gu tavesikya.

Kadimion vepokupú ise jupá da sin va lana coba gilded, i va coba co djupogildeyena gan artel. Marthe gan bata laizafa lujuca zo gevar. Mea roslá nume laxunigesison va mukot ke kapa pu ine razdá. Belcon kalkipegav.

Marin W^{ya} rotir co al tir driafo ede va dalintafa erava co al zaní, voxe va egale vol ixer. Re boger. Voxe me rovegardier kire konkane mea rotaskir ise va yoltiskafa twa me ebler.

Alubeaksat tir. Va Marthe dene ine leote gikakevé ise senyé anton kase va rotuxadara rogandú enide rielon di zavzagí. Tanon ok tolon safteon gandú. Gronafa tcedera va rotuxadara va jin evodar. Efe, gadye va jin me folir. Driarsafe vol wir, ant ede berikye is kwik me di raved. Batenide opelon kalí da ba alube bartiv gazdon mallanití, dum ba viel ke jinafa gozara ko Sénart aalxo. Voxen gadya va kita mu jin mea egar.

Gadye va kotcoba gitcizar, voxe moion va jinafa vunguca astoleson culimer. Bata nyalera basrodawed aze kalion tuvumeltawed, dum runta.

Rena cugeke sokodayar. Me tí vungaf, voxe vungú kire rená. Rena gojon pestaler da antafa enafa dantexa sotir kobara. Batdume va ina gu kevlik sokrupter. Voxen rena sotir kumaskisa vunguca, dum tunazbukasa movama.

Ede jotuca tir trawafa, pune to kire me al tir vungafa. Nope otapa, minaf gaas bolk va rotukik sogukoed nume vol zo gruyed. Ke abdufis swavik, vunguca sometir. Isen remi batyon vielcekap nutis vldarf sedme vrutasik loeke al ravé kire va jinafa bodorkafa takra dizvé milinde ba estura kaikgropik va intaf zatceem dizver.

Viele dene Marthe me kenibé, trabe lewe kotvielon, radimi sielestura kali santane bartiv kene Marne gozav. Va witka ke gadye griksantú. Marthe detcer ; jin senyes va taka mo inaf badeeem windé. Va ine funé. Laizon vordavanon gan detc remsetiké da bata gozara fu tenuwer.

Rena va intafa tierduca djuwalzilir. Acum fentalackaf fertik tusantasawer, ben berga toz kutcar, va kunoya nugera gandur, edje va twa sutev. Va Marthe maneke djukutca ant viele kona kobara va ine gu jin britsar ; va inaf usuk en djumuzá ike en djugriusukotá kotviele ine va int usukotar. Koe witka va ine ipé, besason gu kutcara enide ine va detc divgir numen witka toz dantaler, flintafa ke werd is batakafo abinko isu blafotafo. Ine va sugda ke somerowontesa skera kagruver, solve to pofe nizde ta mazukera va jin moekote platir. Azon, va witka kadime werdkipi ewalzev. Kivara da co tiv rowin ike co opsev va cinafa renarura kunon loeke tudreldar.

Batdume va plabuca ke pilkotikeem tuwavdasa va jinafa tigira dene Marthe me temé.

Jinafe drowigafe ne va digira va ine voldum Jacques meviele rodigiysis, is va kutcara va utaki ke inafa alma radimida ine al ixur da mekar kutceem almadayar, i ne anton tir nuyukuca. Kas pu int welidá ? Kota rena va intaf jotugal az milgugal az guazugal doburer. Kas moe bocafo eka tigí lize rena a lanyona aneyara va jin ixam me keldaskir. Kiren larde jinafa drelduca va giltira altogir, pune soe gan kunoya bifama zo tubliar, i gan batyona tuwadarama va gubeuca. Acum, me laumasison va loloon awalkesisa urepta, vox ganduson va armor ont betason va bartiveem ont fatmason ortatason va viley, jivanik va int sowendesir.

Va bata taltefa omega ke Marne albapá eke va bana amidapafa nobá enide va tela albana rovonyasé. Ronefa omega tir leon tulwafa, ziliyana pu matelamidusik ik tayamidusik, solve tela jinafa tir mu kliwik. Va witka gu aal givaniksantuv, aze iste dentxo senyav. Taya, leve sielupara, suster. Cinafa ketsuca, koe vask, va vetuig vulkur, wetason va dent gu erod ke rena, milinde gu Jacques askiv.

Kofiga ke abdaruca va jinaf pesteem lular. Va lofikafa daava loon vektasa va kona reniskon satolena do tela taneikya al grivuté, numen batcoba va warzafa zixa tukerovar.

Va romeiyafa is nuyafa keniba karolá, is va kiewati ke antuca koe ilava dem fedaf dualt. Va proyafa lazava abduplekú enide va miel dene Marthe mea di tiskí. Ine va jinafo andapo mafelar. Va nugera ke lana pumkafa puda va divmodesa ayikya dere craké, i va tuwavafa buskusikya kotgazdon nudivfisa va kaikeda.

Va intyona malyopara isu stetara pu int culimé, beduson va nuera kase va Marthe loon dam abdion rená. Jinafa rena va kotcoba turotuvar. Milinde va blayak ke Marthe narujú, fozilison va titsuyapafa sugdala, pune va inyoni amlitki remtrakú. Kas dun kiové ? Lana gla meropimtana walzer da tagelton uzá. Jinafa pojara isu polera tid loon pofa. Keve ine senyé, isen dun djusenýé ant dene gadikeem, numen batcoba va rotabina dofa blira larbudar. Ison, va blira voldo Marthe me roguzeká. Va estera va foredonera toz grupé.

Va Marthe saté kiren abdi cinafa rena ine va gutoara ke mona ke Jacques kare jin al finer. Bato guto tuvitchawed, larde ta volpuvera va Jacques vols intafa puvegura al nará. Va int meskaleson cuú. Batcé da va ant Marthe ta kiblara me al iské. Sino va jin ape taneon co volpuved, voxen mana mempera nope giltavera oye rena mu ine kaikion co tir ! Tí lickaf kiren belunda ke bata gubeaca tir mu Jacques.

Marthe kan ixakaf iteemap va jin disuker viele piron kalí : « Pokolé da, viele belcon blitit, va bat gutoeem me videtet. » Va kotcoba jinon kalina sotarkar. Folison da bat gutoeem tid nope jin al vulkú, pu jin me rovekimbar. Va jinafi namiji unt arubar.

Bak taneafa safta ke teveaksat, Marthe va twa ke Jacques kazawar lize tere va intafa rena me dokalir. Akoler. Ko ropexe ke Bourges fu zo divbulur. Va inafa akolera me wivé, voxen inafa askira va kalira va jin kiazar. Larde in va J- direvielon ok veydirevielon fu remlapir, voser da Marthe moe goldetol va impadimak pitcatar. Marthe va bata twa pu jin nedir. Va dirgara ker.

Rena va levetirafa tuwava pu ine al zilir. Acum, lente mana kesa levetiruca, flecú da benplekú oke zuké. Sedme jin, jinafa amlitara sugdalar da finé. Kas rotatcé da ine va kurenik konakwexon co kozwitir ? Milinde amlitar. Numen, nope tec kraf doleray, va ine direvielon me denlaní.

Rielon veydirevielon, warzotik va lipi den jinaf gadikeem vanburer, i va lipi gobildeni anton pu jin. Ini tir male Marthe. Ine poke kuksa va jin ker. Voser da di kevlaní, ede wan zo renar.

Kal starka vulté lize Marthe va jin ker. Inafa kiavara, vadjensesa va martig ke lipi, va jin tuoprar. Folí da inafa takra al betawer.

Opelon, Marthe va jinafa amlitara ke veydireviel gu plabaca al krafiar. Va bet kraf doleray me al guzekar. Famintera gu jinafa blisa tira tir moi yon poles bartiv, larde ant awalkera va jinafa pira arinton co tatceyer. Va intafa akoydara me rostetá. Va intafa fentaluca isu tarkara va inyoni goni mu akoles Jacques pebú. Va jin mialon folir. Zo zuner. Vol lajukalí : « Lanviele me rotuxadá... » Borev.

Voxen bata guyetsa tid teniskafa is puskesa kotviele kontrol me maer. Sopron, tila ke Marthe tove Jacques me tir derbesa. Va ine kutcá, kovdá. « Amlit, ~ kalí, ~ va cin me tceder. » Va sint abdiziliv da va meka birgafa trakura di palsev, ton jin temamas da ine va mancoba rotisa co folir.

Koo J-, Jacques va Marthe al itaneyar, aze ba pokonira ke impadimak va mona, va telvungeem fenkuyun al wir. Inafa twa voser enide in di zo grivudesir. Erur da ine ko Bourges di artlapir. « Vode mallapil », kalí inde bat blayakack me nutir culimera.

— Lapití, ede dositatal.

Batcoba tirsir jlokuca. Voxen inyona ewa isu lemistersesi tegi va rena muxad numen mal zidera kal volniauca betawé. Astolé. Va int tuvumeltá. Zijnon pulví, konten gan inafa ixakuca. Va ine gu rumeik erus va tael askipé. Kaatoer eke dositara ke jin co tir vollidaca. Larde jinafa dulzera me tir xeftofa, voldum tela ke kon situndan fertik, pune ramiruk laumar. Ine to taneatomon gildé da va «liduca » ewa tiyá. Bata ewa ribiegon artstir, kiren dum jin, ine va etrakasa deonera icde liduca ke cinafa rena ape dile blidar neke tir ikoransafe. Arbe bata ewa, nope glasteducapa nekev exura va donaf glastedaf abdimalyekseem, co rofolir da jin tí vollidaf. Voxen volson, larde va ine taneatomon walzé, pune to wazdera tir kiren batvieli al torigí da va meka rotaca al askiv.

Oretlik koe alto, ke Raymond Radiguet (8^{-eafa} zixa ; diza titisa koe diref otuk)

Oretlik koe alto : berpot (1923) ke Raymond Radiguet francaf suterotik
Xanto : Le Diable au corps francavon, kalkotavayano gan Laurent Lermigny, 2017.
 Dotay : Kotavaxak dem Suterot.

Robelin banliz : <https://fr.scribd.com/document/358060704/Oretlik-koe-Alto-ke-Raymond-Radiguet>



Taneakaf totuk : -3400 AGJ-



□ **Weti loon 5000 tanda,**
tiv kum edgarda moe kueca
ke Sumera, 3000 AGJ-.



□ **Kufa totuk** ware faven
koe Iraka tir glupafa kita
tiuna kan tezelt.
Va milafa totukinda koe
Vietnama rowit.




□ **Ankit** tadleyen gu
vorpatum kum jaftolafa
alma, moe Sutlej kuksa
koe Himalaya gola valente
Barata.

Taneafa misrafa tota tiyid ta lapira moe Nil bost. To edgardaf loz tiyid, milaf gu tiv ware zanis moe Titicaca uzda koe Geefa Amerika. Koe Misra, antafa vegedusa intinda tiyid brufenda is barbudja, i katca anton rodafusa va trelapaf azeb num me novesa va epura va totapa.

Taneafa tota

Lekeon bak izva ke ayikeem, lantan sonkeyed da belceks va edgarda ok aalulim va ezara moe lava noveyed, voxik almavorpa kotrafa gu gael ok gilavafa kitapa. Jontikbat taneakaf totuk batugale dun zo faved. Voxen va taneaf vrutaks va birafa vevedura koe taneaf misraf lingeks evlon gu -3400 AGJ- trasit. Ara rawopafa kosmara wazded da Sumer conyutik blis vagee refa Iraka va bate ckane dere felileyed.




□ **Vegedura va tiv** kum
eluxaf colk bak savsafa Misra.
Bak 1970 Thor Heyerdal va
Atlantika welfa moe milafa
tota remlapiyir, i moe Ra II
tota.

□ **Ankit** kum aalulim tir
tana losavsafa totukinda.
Valeveon, anlizukaf ankit
vatalte Australia.




□ **Edgardafa stava** koe Afrika is Asia voxis Geefa Amerika zo faveyed lize va manyon tiv batugale wan rowit, dum bat onas tiv moe Titicaca uzda koe Andes rodega wale Bolivia is Perua.

Savsafa Misra, -2900 AGJ-



□ **Seyta ke Deir-el-Bahari** koe Misra va dolekafa tota mallapisa van Punt coyunta bak -1500 AGJ- nedid.

Ugol tiyir dem tanoy ital is 15 kingo bene kot berk numen abrotce ape tiyir vas 24 ik 27 m-.



□ **Misrafa tota** dem vaj.



□ **Misrafa wilttota.** Taltef birelik va aludeve ke lava kan viza saber.


□ **Misrafa tota bak -2700 AGJ.** Jontolaf norisk zo rokabalieyer viele tota detcenon abdulapiyir.

Bak -2900 AGJ-, misrik kal Byblos koe refa Lubnana ta lustera va bukinta totayad. Sinafa tota tiyid dem lujoraf italap burengan jontolaf norisk ise kan vingo zo boweyed. Kobureyena inta jupayar da misrik va tivap ta remburera va gamiaf raporaf prast keno Nil bost rovegeduyud. Lum ke lodabrotcaf tiv (moni -1500 AGJ-) tiyid abrotce vas 61 m- is mante vas 24 m-. Vawedanon gan 27 totukam, bat tiv va 700 decitor cugon roveburer.

□ « **Losavsafa tota ke tamava** » tir klaafa gu 4500 tanda. Tir caxaf tiv katrasiyin koe naboxa ke Kheops gazik volmiv kolnayas va Relidapa.



□ **Caxaf tiv ke Kheops gazik** tiyir kum bukinta kobureyena mal Lubnana. Inafe abrotce tiyir vas 42.6 m- isen tota detcenon zo boweyer.



Misraf toteem va bostafa totara me tanon zanudayar ; misrik va koyarapa moe bira ta kazaf ik sayakaf enid bokayad. Tela lovartafa brinuga gan dirgara ke Hatshepsout gazikya (-1504-1482 AGJ-)

zo koaskiyir, ta malburera va gibratca is wula is vapta ke Punt coyunta tisa Somali krimta : i koyara vas 4000 km- ke lapira az dimlapira.

TELIZ

2^e bu : Dampierre. Ebeltaf vanafiz.
26^e bu : Boule is Bill.
28^e bu : Champakou.
44^e bu : Smurfik. krandesa rupama.
46^e bu : Iptoka ke marsupilami.
54^e bu : Oretlik koe alto, berpot.
58^e bu : Taneafa tota.
59^e bu : Tota ke savsafa Misra.
60^e bu : Kuda ke Aisopos.

Kotavusa virda

Virda kotavon sanelayana, nuyon is faston
romalvajana is rorubiana is rotanamzilina.
Ickriluyun rokeem. PAG / DE.
Internetxo : www.europalingua.eu/KotavusaVirda
Bu : www.europalingua.eu/KotavusaVirda/20-e_otuk_06-2024

Sanegara : Teveaksat ke 2024. 20^e otuk.

Yunkexa is ewava : ewaveem abugaf gu roka ok
nuyon rotamuzen ok rictayan gan digisik.

LIWOMBURA

Tula va olkoy ke lan liwatum watson gu alto.
Konaka gokosmana peryasafa liwomba.
Xantaza :
<https://kotava1837481.wordpress.com/2018/08/26/7-familles-en-kotava/>

6

Loma
AWALKEXIK

NUYUCA



Mohamed Bouazizi
(1984-2011)

Mohamed Tarek Bouazizi tir tunusik kobliysis koe Sidi Bouzid widava. Vey wawafa tawadayikafa yasa, va bema waveon bulur aze tir tawamidus dodelik. Avlemodaf rosteladole-sik, va natcura ke lizukafa rictaga isu avonara dun zo ralentar. Ba 20/12/2010 pluken is pikses, lente bowexe ke Sidi Bouzid va int teyvikear. Koe ropexe nope bakaks di xonuker. Inafa awalkera va tuyewera ke muskapa weber, i ke muska fure kadasa artowara num di baliesa va refi roti. Azon bata den kipi ke arabaxo plewer (**Arabaf Imwugal**).

Vasil Makux - Nhât Chi Mai - Homa Darabi -
Jan Palach - Bobby Sands - **Mohamed Bouazizi**

Cigavol is rucasiki

Cigavol, anjeyes va onya ke glotcasik, va tigisi rucasiki toz friner. Neken tire, yoy lamewer nume jontik fortey traspur ; voxen fomaltiolteson va koncoba gu azil, in wiver, voxe cugeke va yoy adim mea dir.

Bata kuda va kottan motcas va bettan num inton vetuigas, gukoer.

Kuda ke Aisopos, -VI^{-eafa} decemda
(kalkotavaks gan Yurani Andergan)